

公元二〇〇四年手抄精裝版

成都費門支派
林氏家譜

裔孫

華建林恭書

公元二〇〇四年手抄精裝版

江苏工业学院图书馆
藏书章

成都覺門支派
林氏家譜

裔孫

華德



舉書



成都林氏家譜

元	捨	聖	賢	祖	子	承	繼
祖	耳	宣	者	德	孫	先	注
忠	直	稱	問	流	賢	啓	開
烈	諫	仁	禮	勞	良	後	來
美	不	家	世	顯	振	創	永
名	畏	聲	澤	重	家	基	裕
揚	強	遠	長	光	邦	業	昌

裔孫
華德
謹譔



公二〇〇四年精裝版

人目錄表

壹：歷代祖宗遺像及詩聯：

一：遺像：

(一)	太始祖比干公（附比干公墓素描及謁墓記）	一〇頁
(二)	始祖堅公	二頁
(三)	長山侯放公	二頁
(四)	晉安郡王祿公	三頁
(五)	唐太子詹事披公	四頁
(六)	唐端州刺史葦公	五頁
(七)	唐邵州刺史蘊公	六頁
(八)	天后祖姑	七頁
(九)	清兩廣總督則徐公	八頁

二：詩聯：

(一)	宋仁宗皇帝御詩	一九五二頁
(二)	明嘉靖皇帝贈詩	二三頁
(三)	林氏宗祠聯語選粹及排行聯	二四頁

貳：序言：

一：重修成都蠡門支派林氏家譜序

二五〇三一頁

二：成都林氏支派源流序

三二〇三八頁

三：附錄：

(一) 林氏正宗源流族譜序

三九〇四二頁

(二) 晉安世譜校正序

四三〇四七頁

(三) 林氏族史志略

四八〇六六頁

叁：世系表：

一：林氏以前歷代祖宗世系表

六七〇六八頁

二：堅公至漢文公頂脈相承世系表

六九〇七四頁

三：林氏堂號源流

七五〇七八頁

肆：我家頂脈相承歷代祖宗傳略

七九〇三四頁

伍：獎學金申請暨勸募要則

三五〇二八頁

陸：選錄：家訓集粹

二九〇一六頁

柒：編後記

一六〇一六頁

捌：譜牒表（附現代世系表製作範例）

一六〇一七二頁

像遺公干比師太殷

一、歷代祖宗遺像

(一) 太始祖比干公

太師比干公，契之後，本子性，商烈祖湯王十五世孫，文丁子，帝乙弟紂之叔父，官少師，及紂暴虐無道，公曰：「君有過，而不以死爭，則百姓何辜，乃直諫陳先王艱難，天命不易，國家將亡之明徵。」請王洗心易行，伏於象魏之門，紂大怒曰：「比干自以爲聖人，吾聞聖人之心，有七竅，遂剖而視之。」孔子曰：「殷有三仁，公居其一也。」公墓在汲郡，（今河南衛輝府城西北十五里）周武王克商，封其墓，有銅盤銘，銘曰：「右林左泉，後岡前道，萬世之靈，茲焉是寶。」有孔子書「殷比干墓」四字唐太宗貞觀十九年，追封太師，贈諡忠烈，歷朝致祭俱載祀典。

忠孝有聲天地老



古今無數子孫賢

贊曰

麋躬非仁 蹈難非智 死於其死 然後為義 忠無二心
烈有餘氣 正直聰明 至今猛視 咨爾來代 為臣不易

唐翰林學士李白敬贊

比干公墓素描

衛輝比干墓前，有殷比干墓四字，石刻稍缺者，先師孔聖人筆也，漢唐以來，廟中所習見其書，與周穆王時吉日癸巳，石刻相肖，知其非後人所能，非聖人不能也，比干諫而死，聖人以殷仁稱之，其為之書墓也，斷斷乎然矣，且子適衛而往來墓上，不知其數，聖人嘗曰，丘也殷人也，故殷因於夏禮，殷有三仁，更不言商，茲比干墓而冠之以殷，以斯又知其為聖筆也，不然，由周而來，幾千歲矣，中間兵火頻頻遭焉，非有神物呵禁護持，安能固完，僅有半字之缺若斯哉。

通州張亨跋

殷太師比干公墓在汲郡，今河南衛輝府，去城西北十五里，周武王封其墓，有銅盤銘，

孔子書有殷比干墓四字，唐太宗貞觀十九年，追封太師，諡忠烈，歷朝致祭，俱載祀典。墓東南地七頃五十畝，係前代相供祭，今汲縣民佃種辦祭，恐後泯滅，故勒石以誌之，計每歲四月四日致祭，羊一，豕一，帛酒果香燭等物，佃戶張綱，張琬，李讓，李綱，崔昇等，共種十頃五十畝。

明正統十四年四月四日爲公誕辰載封建考衛輝府知府通州張亨識



謁太始祖 比干公墓記

河南衛輝府城西北十五里，吾 太始祖殷太師比干公墓在焉，我林族得姓，本於始祖堅公，吾堅公，固太師公嫡嗣也，故當以太師公為太始祖，民六年三月廿九日，修自西安抵鄭州，乃乘京漢火車赴衛輝，翌早肅衣冠，備儀從，敬謹趨謁，由眺行門，出西關，循西北大道，約一時許，抵廟，道士出迎，款以香茗，修盥洗畢，乃令引至大殿及墓宅，薄陳祭品，鞠躬頂禮，且撮影資紀念焉。


因得周覽內外規制，至詳且悉，考墓址坐北朝南，左濱衛水，右枕太行，自北魏孝文帝，建廟墓前，至今凡十修矣。廟大門橫額曰：「殷太師比干廟」，照壁前垣，石獅對峙，氣象肅然，入大門數步，左列唐太宗詔碑，為薛純陀書，右列魏孝文弔文碑，為崔浩書，書法遒勁，為諸碑冠，進此，則為儀門，門額署官諱如大門，入儀門甬道，左列清乾隆御製碑，筆力秀整，再進，則殿門矣，殿門外及內廡，歷代謁者碑記駢列，將及百數，殿門內外匾額各二，曰取義成仁，曰丹心千古，又曰大節孤忠，曰殷仁第一，殿之中，有龕，供太師公塑像，神儀森肅，望之儼然，住持道士，配以神將四，塑侍兩旁，蓋用彼教法，依托先哲，以張大其宗派者也，龕匾額曰，純忠極諫，旁列楹聯三。由大殿出廟後門，則為墓道矣，石坊巍然，題曰：「殷太師比干墓」，坊聯曰：「孤忠心不

死，故社柏猶存。」周圍古柏數十株，撐天蔽日，視少陵所詠孔明廟柏，霜皮溜雨，黛色參天者，以此絜彼，不啻高曾之俯視雲仍矣，過石坊升階，則為墓門，周武王封墓之銅盤銘，新舊各一，列門左右，碑文之古，當與峒嶺碑，石鼓文，鼎足而三，循階而前，咫尺間為墓宅，如覆夏屋，為馬鬣封，大河南北，坟林雖多，殆無有似此堂皇者，墓門橫立篆碑，為殷太師比干墓，如石坊額，撮影僅有太師比三字，餘為門墓所蔽。墓旁有無心草，俗又稱無心菜，惜方萌芽，不能擷取，道士謂俟滋長後，郵寄數本與修，且以餉我宗人也，碑文又載太師公殉節之大伾山，產紫斑石，皆他處所無，此與周孔之墓生著，岳墓之枝不北，湘妃斑竹，信國卦竹，何異，蓋血誠動天地，乃產此異品，以表彰賢聖，扶植人倫，此則我中國之真國粹也，墓廟四址，繞以朱垣，延袤約七八十丈，寬半之，碑文匾聯款識，均詳集中，歷代相傳，原碑墓篆四字，為宣聖親筆，循墓西偏，出儀門之右，為道士院，宣聖篆碑，嵌於院壁，碑橫直約一尺四寸，篆文墓字，已損失大半，千字，殷字，微損，完整者，比字爾，石面已成凹形，光澤如鏡，三復摩挲，不覺鐘鳴五句，日薄崦嵫矣，歸寓頗甚困憊，回溯日間所歷景象，宛然在目，復氣爽神旺焉，因念昔蘇子由上韓樞密書，謂於山見泰華，於水見江海，於宮闕見京師，於人物見歐公云云，謂足盡天下之大觀也，庸豈知孤忠苦節，貫徹幽明，精感誠孚，被及木石，倫常模範之極則，日星河岳之昭垂，帝王師相之褒崇，文人墨客之景仰，鬱積磅礴，光焰萬丈，所謂

彌天地，宣萬古。不待生而存，不隨死而滅，如吾 太師公藏魄之壟者，子由固一代文豪，其識力，殆猶未能及此乎，廟道士，頗識大體，以修不遠數千里，專誠來謁，臨行出一冊，備載廟墓所有，舉以授予，如獲拱壁，既資吾族之觀感，又揚先代之清芬，以壓歸裝，壯行色，此行所得，為不少矣。

民國六年四月一日 東粵裔孫修謹記

圖之墓公干比師太殷祖始太氏林



陽之北西縣汲省南河於位

周武王封比干墓銅盤銘

昔者武王伐纣
受命於天
乃封比干之墓
而錫之
茲焉是寶
萬世之寧


茲焉是寶

萬世之寧


後崗前道

右林左泉

周武王克商，賜我太始祖比干公之嗣堅為清河郡公，食二千石，對比干公墓，立銅盤銘，文曰「左林右泉，後崗前道，萬世之寧，茲焉是寶。」字體古篆，雅雋，其下有釋文云：十六字。辭旨簡遠，筆法端嚴，信乎三代之文也，惟太師公，忠精義烈之誠，洞貫古今，溯自吾夫子表墓之後，暨元魏李唐，褒崇弔祭，紀述具在，迨我皇元降德音，追懿行，特敕有司，爰新廟貌，再葺肖像，如嚴祀事，今衛輝府總管密通公。



(一) 銘盤銅



(二) 銘盤銅

仰副明旨，克成厥功，其見於豐碑者，亦昭昭矣，較夫權輿獨闕，斯文遂模，汝州法帖所載，三代金石遺刻，勒諸麗石，用著四朝之盛典。俾乾端坤倪，軒豁承露於殿庭間，豈特殊還合浦，劍復平原者哉。


延祐五年歲在戊午春正月癸亥朔越十四日丙子承事郎衛輝路總管府推官張淑記并書

承事郎汲縣尹五恕充同立石

孔聖劍筆書「殷比干墓」

春秋時，孔聖周遊列國之豫仰 殷太師

我太祖比干公忠烈仁顯，率弟子馨香以致祭，親用劍筆題『殷比干墓』四字，又撰墓碑樹其間巍巍然，歷代重修，三千年來，今仍屹立，孔聖親筆所題，真如鳳毛麟角，不輕獲觀，其歷史性之重要，為如何耶，至宣聖真筆四字係後人題上，藉資表揚者，孔子題墓，碑記文曰：



社稷共存亡，忠臣以死諫，賢人既已空，商罪始盈貫，諸侯八百來，士卒乃不奮，前徒先倒戈，頃刻移商運，血灑殿庭前，魂繞孟津案，縱有周家封，英靈恕不順，傷我題墓心，猶抱宗臣恨！

(二) 始祖堅公



堅公諱泉，字長恩。殷少師比干公，忠諫而死。波及於其後。夫人陳氏，身有孕，逃難於長林石室中，生子名泉。周武王克商，未及下車表比干公墓，徵其後而得泉公，以其生於林中石上，改名曰堅，賜姓曰林，食采於博陵。爵公。夫人姜氏，生二子載、磋，載襲封。

贊曰

緊惟太師 負節抱奇 遭時之難 知殷之衰 剖心不痛 甘死如飴 仁必有後 篤生佳兒
有石若簇 有水如澌 林木蒼鬱 山岳葳蕤 實鍾名哲 藩屏周基 食毛賜姓 百祿是宜
億萬昌熾 玉樹繁禧

宋吏部尚書裔孫大鼎拜撰

(三) 長山侯放公



公諱放，字子丘。周敬王時為大夫。問禮之本，孔子有大哉問之稱。唐玄宗賜號清河伯，宋貞宗加封長山侯，因堅公所生在長林山而賜爵。從祀孔子廟。夫人芋氏，生四子汝、滿、鴻、滄。

宋高宗御製賜贊曰

禮之有本 子能啓問 大哉斯言
光昭明訓 德輝泰山 誣祭莫奮
崇茲祭典 千秋令聞